



Selasa, 18 Juni 2024

Ogen: Ketangkasan 2: 20-22



Guru Si Papak



Kai si terjadi i bas turi-turin kerna kinirajan Israel kerna Isebel, terjadi ka i bas tengah-tengah perpulungen Tiatira. Isebel jadi sada gelar si mbau i bas tradisi kalak Israel janah gelar e jadi sada gelar sindiren nandangi kalak si murtad. Kata Izebel, kata dasarna e me zebel si ertina sampah. Erkiteken pemahamen kata Isebel i bas Padan Si Ndekah, kita paham kai ntah ise si isingetken sebage sada persinget nandangi perpulungen Tiatira. Engkai maka identitas "Isebel" lit janah ikatakene maka eksis i tengah-tengah perpulungen Tiatira ras kerina perbahanenna ndatken perlawananen ras pencegahan arah perpulungen Tiatira. Perbahanen Isebel e me ngelakoken si jahat si ilarang Tuhan i bas perpulungenNa.

Sosok Isebel ngakuken ia nabi Dibata singelakoken pengajaren si papak si erbansa mbue persuruhen Tuhan erlagu la mehuli, dengen man pangan si enggo ipersembahkan man berhala. E nge si ipandang Tuhan mandangi perpulungen Tiatira sabap ipelepasna "Isebel" e erbahan si papak. Janah perlawananenna e me la ngikutken pengajaren si papak e. Emaka dungna iukum Tuhan ia aminna pe nggo ibereken Tuhan man bana kesempatan guna jera i bas dosa-dosana nari tapi la ia jera. Iukum Tuhan ia rikut pe ras ajar-ajarna ibunuh Tuhan. Isebel jadi sada tokoh ntah pe simbol kerna kejahatann si menentang Tuhan. Janah gelar e isingetken ku perpulungen Tiatira si ngatakensa maka lit diberu si rulah ras erbahan papak ku bas perpulungen e. Emaka perlu kalak Kristen la erbahan gelar anakna Isebel ntah Isabella gelah ula kal la mejile ertina. Janah man Moria ula sempat kita jadi Isebel-Isebel baru bas gerejanta enda! Adi bage lanai bo lit oratna kita iakap jelma si nterem e janah ndeher pe lanai akapna pas ras kita. Tugasta mabai kalak sideban guna nandai Tuhan, sabap isuruh me kita niari doni guna naksiken kerna IA.

Metengetlah nandangi guru si papak